

REGLUGERÐ FRAMKVÆMDASTJÓRNARINNAR (EB) nr. 956/2006

2009/EES/11/08

frá 28. júní 2006

um breytingu á reglugerð (EBE) nr. 94/92 að því er varðar skrá yfir þriðju lönd sem tilteknar lífrænt ræktaðar landbúnaðarafurðir verða að vera upprunnar í til að setja megi þær á markað í Bandalaginu (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 2092/91 frá 24. júní 1991 um lífræna framleiðslu landbúnaðarafurða og merkingar þar að lútandi á landbúnaðarafurðum og matvælum ⁽¹⁾, einkum a-lið 1. mgr. 11. gr.,

og að teknu tilliti til eftirfarandi:

- 1) Skrá yfir þriðju lönd sem tilteknar lífrænt ræktaðar landbúnaðarafurðir verða að vera upprunnar í til að setja megi þær á markað í Bandalaginu, eins og kveðið er á um í 1. mgr. 11. gr. reglugerðar (EBE) nr. 2092/91 (hér á eftir nefnd „skráin“), er sett fram í viðaukanum við reglugerð framkvæmdastjórnarinnar (EBE) nr. 94/92 frá 14. janúar 1992 um nákvæmar reglur um innflutning frá þriðju löndum sem kveðið er á um í reglugerð (EBE) nr. 2092/91 um lífræna framleiðslu landbúnaðarafurða og ábendingar þar að lútandi á landbúnaðarafurðum og matvælum ⁽²⁾.
- 2) Tilteknar landbúnaðarafurðir, sem fluttar eru inn frá Indlandi, eru nú á markaði í Bandalaginu samkvæmt undanþágunni sem kveðið er á um í 6. mgr. 11. gr. reglugerðar (EBE) nr. 2092/91.
- 3) Indland lagði inn beiðni til framkvæmdastjórnarinnar um að bæta landinu við í skrána. Indland hefur lagt fram þær upplýsingar sem krafist er skv. 2. mgr. 2. gr. reglugerðar (EBE) nr. 94/92.
- 4) Athugun á þessum upplýsingum og viðræður við yfirvöld á Indlandi, sem fylgdu í kjölfarið, leiddu til þeirrar niðurstöðu að í landinu væru reglur um framleiðslu og eftirlit með landbúnaðarafurðum jafngildar þeim sem mælt er fyrir um í reglugerð (EBE) nr. 2092/91.

5) Framkvæmdastjórnin hefur látið fara fram vettvangs-efirlit, sem kveðið er á um í 5. mgr. 11. gr. reglugerðar (EBE) nr. 2092/91, með því að framleiðslureglum og eftirlitsráðstöfunum sé beitt í reynd á Indlandi.

6) Gildistími skráningar Kostaríku og Nýja Sjálands í skránni rennur út 30. júní 2006. Til að komast hjá röskun í viðskiptum þarf að framlengja skráningu þessara landa.

7) Ástralía hefur tilkynnt framkvæmdastjórninni að tiltekinn eftirlitsaðili hafi breytt heiti sínu og að heiti annars eftirlitsaðila hafi verið leiðrétt.

8) Sviss hefur farið þess á leit við framkvæmdastjórnina að hún breyti skilmálunum sem gilda um skráningu þess í skránni í samræmi við samkomulagið milli Evrópubandalagsins og Ríkjasambandsins Sviss um viðskipti með landbúnaðarafurðir ⁽³⁾, sem var samþykkt með ákvörðun ráðsins og framkvæmdastjórnarinnar 2002/309/EB ⁽⁴⁾, og einkum 9. viðauka samkomulagsins um lífrænt ræktaðar landbúnaðarafurðir og matvæli.

9) Sviss hefur lagt fram þær upplýsingar sem krafist er skv. 5. mgr. 2. gr. reglugerðar (EBE) nr. 94/92. Athugun á upplýsingunum, sem lagðar voru fram, leiddi til þeirrar niðurstöðu að kröfumnar jafngildi þeim kröfum sem gerðar eru í löggjöf Bandalagsins.

10) Nýja Sjáland hefur tilkynnt framkvæmdastjórninni um að tiltekinn eftirlitsaðili hafi breytt heiti sínu.

11) Því ber að breyta reglugerð (EBE) nr. 94/92 til samræmis við það.

12) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót með 14. gr. reglugerðar (EBE) nr. 2092/91.

(*) Þessi EB-gerð birtist í Stjútíð. ESB L 175, 29.6.2006, bls. 41. Hennar var getið í ákvörðun sameiginlegu EES-nefndarinnar nr. 10/2007 frá 27. apríl 2007 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbætur við Stjórnartíðindi Evrópusambandsins nr. 38, 9.8.2007, bls. 14.

⁽¹⁾ Stjútíð. EB L 198, 22.7.1991, bls. 1. Reglugerðinni var síðast breytt með reglugerð framkvæmdastjórnarinnar (EB) nr. 780/2006 (Stjútíð. ESB L 137, 25.5.2006, bls. 9).

⁽²⁾ Stjútíð. EB L 11, 17.1.1992, bls. 14. Reglugerðinni var síðast breytt með reglugerð (EB) nr. 746/2004 (Stjútíð. ESB L 122, 26.4.2004, bls. 10).

⁽³⁾ Stjútíð. EB L 114, 30.4.2002, bls. 132.

⁽⁴⁾ Stjútíð. EB L 114, 30.4.2002, bls. 1.

SAMÞYKKT REGLUGERÐ ÞESSA:

1. gr.

Viðaukanum við reglugerð (EBE) nr. 94/92 er breytt eins og fram kemur í viðaukanum við þessa reglugerð.

2. gr.

Reglugerð þessi öðlast gildi á sjöunda degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. júní 2006.

Fyrir hönd framkvæmdastjórnarinnar,

Mariann FISCHER BOEL

framkvæmdastjóri.

VIDAUKI

Viðaukanum við reglugerð (EBE) nr. 94/92 er breytt sem hér segir:

1. Í textanum, sem varðar Ástralíu, komi eftirfarandi í stað 3. liðar:

„3. **Eftirlitsaðilar:**

- Australian Quarantine and Inspection Service (AQIS) (landbúnaðar-, fiskvinnslu- og skógarnytjadeild)
- Bio-dynamic Research Institute (BDRI)
- Organic Growers of Australia Inc. (OGA)
- Organic Food Chain Pty Ltd (OFC)
- National Association of Sustainable Agriculture, Australia (NASAA)
- Australian Certified Organic Pty. Ltd.”

2. Í textanum, sem varðar Kostaríku, komi eftirfarandi í stað 5. liðar:

„5. **Gildistími skráningar:** 30.6.2011.“

3. Á eftir textanum sem varðar Kostaríku, er eftirfarandi texta bætt við:

„INDLAND

1. **Afurðaflokkar:**

- a) óunnar plöntuafurðir í skilningi a-liðar 1. mgr. 1. gr. reglugerðar (EBE) nr. 2092/91,
- b) matvæli sem eru aðallega samsett úr einu eða fleiri innihaldsefnum úr jurtaflokki í skilningi b-liðar 1. mgr. 1. gr. reglugerðar (EBE) nr. 2092/91.

2. **Uppruni:** afurðir í flokki 1 a og lífrænt ræktuð innihaldsefni í afurðum í flokki 1 b sem hafa verið ræktuð á Indlandi.

3. **Skoðunaraðilar:**

- BVQI (India) Pvt. Ltd
- Ecocert SA (India Branch Office)
- IMO Control Private Limited
- Indian Organic Certification Agency (Indocert)
- International Resources for Fairer Trade
- Lacon Quality Certification Pvt. Ltd
- Natural Organic Certification Association
- OneCert Asia Agri Certification private Limited
- SGS India Pvt. Ltd.
- Skal International (India)
- Uttaranchal State Organic Certification Agency (USOCA).

4. **Aðilar sem gefa út vottorð:** sjá 3. lið.

5. **Gildistími skráningar:** 30.6.2009.“

4. Textanum sem varðar Sviss er breytt sem hér segir:

a) Í stað 1. liðar komi eftirfarandi:

„1. **Afurðaflokkar:**

- a) óunnar plöntuafurðir og búfé og óunnar búfjárafurðir í skilningi a-liðar 1. mgr. 1. gr. reglugerðar (EBE) nr. 2092/91, að undanskildum:
 - afurðum, framleiddum á aðlögunartímanum sem um getur í 5. mgr. 5. gr. þeirrar reglugerðar,
- b) unnar landbúnaðarafurðir frá akuryrkju og búfjárafurðir til manneldis í skilningi b-liðar 1. mgr. 1. gr. reglugerðar (EBE) nr. 2092/91, að undanskildum:
 - afurðum, sem um getur í 5. mgr. 5. gr. þeirrar reglugerðar, með innihaldsefni úr landbúnaði, framleitt á aðlögunartímanum.“

b) Í stað 3. liðar komi eftirfarandi:

„3. **Skoðunaraðilar:**

- Institut für Marktökologie (IMO)
- bio.inspecta AG
- Schweizerische Vereinigung für Qualitäts- und Management-Systeme (SQS)
- Bio Test Agro (BTA).“

5. Textanum sem varðar Nýja Sjáland er breytt sem hér segir:

a) Í stað 3. liðar komi eftirfarandi:

„3. **Skoðunaraðilar:**

- AgriQuality
- BIO-GRO New Zealand.“

b) Í stað 5. liðar komi eftirfarandi:

„5. **Gildistími skráningar:** 30.6.2011.“
